


www.BibleForChildren.org

Mateusi 26



Keĩ wāmōi
kō jisryawerà
moetea 'arà
okwatà. 6 'arà
remē okwatà. A'evoa
e'āve Jesu oo mijē
Petānia taa kyty, Rasaru rena
kyty. Omomoera maekwerà
rena kyty oo. Ojimi'u
kupa upa remē, ikypy'yry
Maria ipije katu mā'ē weru
ena reve, tănē ipupe mā'ē. Ipije
katu mā'ē e'eay tesō a'e.



Moma'eyva jinõgwerà tè
a'e, natukary eu ijupe mã'ẽ.
A'e jinõgwerà weru.
Epy wete mã'ẽ tè a'e.
A'e ojoẽ Jesu py 'aryvo.
Ajaira wapira pè opymosikã.
[Wauvay rewarà mõi a'evo wereko.]
Ipije katu tesõ tetã wryrupi ãmẽ.
Oporakapa tesõ ipijekwerà upa oka wry.



Ãmẽ ajaire Jesu remimo'ekwerà 12 mã'ẽ mõi oo
sikaepo Janejare'e pè oporegeta mãe kõi rõvijã kõi pè
oporegeta. Jutasi Sikarioti eu
erà pè mã'ẽ a'evo ekoi. Kee
e'i ijupe kõi: – Ame'ẽ kuwa
erõvijã pepo pè, e'i ijupe kõi.
Ãmẽ aepo wenu kupa remẽ
oryvay kupa.



– Kee javu karakuri orome'ẽ kuwa ene, e'i ijupe ãmẽ kupa. A'evo paire Jutasi kee e'i oupe: – Manyvotà pãwĩ areko ime'ẽ ipo kō pè? e'i oupe upa. Ajawyi wãrõ jẽ manyvo remẽ ywe'e ome'ětà.



Oo ãmẽ kupa, Jesu ayvu rupi.
Moetea 'arà renone oposiko kupa
upa. ãmẽ ojimi'u kupa upa remẽ,
Jesu meju opyy. Omoe'e Janejare'e
ee. Ajaire openo peno imosãi meju
erokwa wemimo'ekwerà kõ pè, to'u
kupa. – Aã pepyy iwa. Epirà ra'upa
tè aã meju ame'ẽ tape'u, e'i ijupe kõ.
[O'u ãmẽ kupa.] Ajaire Jesu
uvary aisiriri katu
mã'ẽ rena opyy,
kaneku. A'e rè
omoe'e mijẽ
Janejare'e.



Ajaire omosãi erokwa ijupe kō to'u
kupa. – Pe'u pirujẽ, e'i. Eruwykwerà
ra'upa tè aã uvary aisiriri katu mã'ẽ
ame'ẽ tape'u. Kee jaa tè agyvoa.
Ije amãnõtà penekovijarerà rōmõ.
Eruwykwerà opeità. Emãnõa rupi
mõa'ãrõwã mirà kō aiwererà
amoepypatà. Ajawyi Janejare'e
“awyjepa” e'ità
peaiwererà kō
pè ky'y. Ovo
rupi teve
Janejare'e
penerekotà emãnõa
rupi ky'y, e'i ijupe kō.



Ãmẽ e'i Jesu Peturu pè: – Simão, ejapyaka katu eayvu
rè! Satanasi ojimo'eai pene. Kee e'i Janejare'e pè
peupewarà mõi: “Aã'ã kõtà imomorijau kõi. Ãwitõ nikatui
mã'ẽ jamopopo ipi, ãwĩvo ajimoraratà ee kõi”, e'i
Satanasi peupewarà mõi. Ereity titetà rejupa. Ajamã'ẽ
Papa pè aporegeta peupewarà mõi, terejirovija jẽ ere
neiko. Nejivy mijẽ
ekoty remẽ,
emokasi nevoarà
kõi tojirovija jẽ
ere kupa, e'i.



Āmē Peturu e'i: – Ānī! Noroity'āi, erōvijā. Aiko jētā
nepyryvo aiko. Najipirau'āi ije. Ajawyi nemopā'ā kupa
remē, temopā'ā ve kupa āmē, nevo ve. Nejuka kupa
remē, tejuka ve āmē kupa, e'i tite Peturu Jesu pè. Aepo
renu e'i āmē Jesu: – Age'e pya ereitytā neo rejupa!
“Jesu nakuwai”, ere rā'āgatā eupewarā mō, e'i. Moapy
'arā rōmō tesō aepo ere
rā'āgatā, e'i.

Masakara noje'ēive
remeve a'evotā
neiko. Aje ywete
a'e ene, e'i
Jesu Peturu
pè.



Jesu oo oporegetatà Uu pè
mã'ẽ pè ovãe. Jesemani eu
a'e pè. A'e Oriveiraty
yvytyry pè tui.

Emimo'ekwerà kõi oo upi.

Ovãema kupa remẽ, e'i

Jesu ijupe kõi: – Pepyta rãĩ
peapy ike erãrõ pekupa, e'i.


Wãime kyty sa'u aatà
aporegeta Papa pè, e'i.




Aepo e'i paire Jesu wāime
sa'u oo. A'e rōmō'ite oo ky'y.
Ojimoenāpa'ā ojayvy yvy pè
upa. Uu pè oporegeta upa.
Kee e'i: – Emomorijaua rā
rè ajimopirai, Papa. Akuwa
naikoi iwasu mā'ē neupe.
Nepota manyvo terereko
tajimomorijau e'ā remē, i'ete.
Ajamā'ē manyvo nere tari
terereko katu jimomorijaua wyi
remē, i'e teve. Tajimomorijau
āmē, e'i. Neremimota rupi tē
ta'evo aiko āmē, e'i Jesu
oporanu Uu pè.



A'e pè oroiko ãmẽ. ãmẽ Jutasi weru sota kō orekoty,
[Romã yvy pewarà sota kō]. ãmõ kō ve Jutasi weru,
Janejare'e moe'ea retã rãrõarà kō. A'e kō
oõvijã kō ayvu rupi uu, Janejare'e pè
oporegeta mãe kō rõvijã kō ayvu rupi.
ãmõ, Pariseu kō ayvu rupi ve
uu kupa. Mokojejõ uu Jutasi
Sikarioti rupi mãe kō. Marija
poko pawete weru opo pè.
Turi jijõvãgwerà sota kō
weru teve oyapea mõ. ãmõ,
raparina kō ve weru kupa.



Ameve sikaepo Jesu remimo'ekwerà mō marija
poko omopyso. A'e pupe Janejare'e pè oporegeta
mãe kō rōvijã wasu remĩgwai mō onamimopai.
Ãmẽ Jesu e'i: – Teene, awyjepa. Moko ere
sõ, e'i ijupe. Ajaire Jesu temĩgwai
namikwerà opyy imojipy
mijẽ aekwery vo imokatu.




Ãmẽ Jesu opyy ipokwa kupa. Janejare'e pè oporegeta
mãe kõ rõvijã wasu retã gyty weraa kupa. Apykyrerà
kyty kuipe'e sa'u Peturu ve oo upi kõ iko. [Irõwã
kõ'ẽ tarà mẽ.] Ãmẽ tata
omoipota kupa. Ajaire
a'e ypy pè wapy ojipewa
ee kupa. Ãmẽ Peturu ve
ovãe wapy ojipewa
ee, tata rè upa.



Ãmẽ temĩgwai mõ e'i:
– Nere itõkõ amã'ẽ ka'a
miti pè, eeve neiko
remẽ! e'i ijupe. Peturu
onamimopai maekwerà
retārã tè sikaepo aepo e'i.

Janejare'e pè oporegeta
mãe kõ rõvijã wasu remĩgwai
mõ a'e. Aepo e'i remẽ, Peturu
ojimonyi. Ajawyi kee e'i: – Ãnĩ!
A'e rõwã ije! e'i mijẽ. Ãmẽ aepo
e'i remeve masakara oje'ẽ. Ajawyi
ijãgyoay ky'y. Ojisyry oo ojawa
upa ky'y. Ojiãparõ wasu upa.

– Manyvore sõpõ aepo a'e tite? e'i ojawa rõmõ.



Ămĕ si jŏvijăgwerà kŏ opŏ'ăma oo
Jesu reraa kovenatu Piratu kyty ky'y.
Romă wănà tè a'e. Ămĕ aepo jaa rĕ
kovenatu Piratu oporegeta Jesu pĕ
esa: – Aje pŏ Juteu kŏ rŏvijă wasu
rŏmŏ ene? e'i ijupe.

Ămĕ e'i Jesu: – Ene itŏ
aepo ere ije, e'i kŏrijŏ tè
Jesu ovaja. Kovenatu Piratu
ămĕ, “Tamoĕoka Jesu”, e'i


tite oupe mijă.




Ajawyí kee e'i epe: – Ānī, Jesu
amoēokatà, e'i epe ijupe kō.
Ajamā'ē jane kō ojimoane'e jē tesō
wapukai rōmō. Kee e'i kupa:
– Yvyra jipokana rè
emoputuputurioka Jesu
ijukaoka! e'i kupa.
Tomānō ikenē! e'i e'i tesō
wapukai rōmō kupa upa.




Ajawyí Piratu ojimoane'e jẽ sota kõi pè
javo ky'y: – Pepyy awi eraa! e'i.
Pemoputuputuri awi yvyra jipokana rè
ijuka! e'i ijupe kõi. Weraa ãmẽ kupa.
Ãmẽ sota kõi omono Jesu yvyra
jipokana tomovy eraa. Imirai mã'ẽ
jukaa rena kyty omovy eraa ãmẽ.
“Joãkãgwerà” eu a'e tena pè. (Kokota
e'i Juteu kõi wayvu rupi ãmẽ.)



A'e pè omopotuputuri ãmẽ imõ'ã
kupa. ãmẽ mõrijõ kwaima'e kõ
omopotuputuri ijuvuri imõ'ã kupa.
Omojeovai kupa.



Ameve Janejare'e moe'ea retãporà kamisa anamu
okei. Yvate kyty wyi ojiãvasĩ. ãmẽ jakatu Jesu wayvo
wapukai kee javo: – Papa, nepo pè aitytà e'ãg. Ereraa
awi nekoty rejupa, Papa, e'i.
Aepo e'i remeve, ojikyì oo.
Opi iji'ãgekyia ky'y.



Ãmẽ Jesu mÃnõawerà ojikuwapa
kwaima'e mõi pè, Juse eu ijupe mÃ'ẽ
pè. Arimateja taa wãnà mõi a'e.

Juteu rõvijãgwerà kõi mõi
teve a'e. Temimoe'e tè
Juse. A'e kee e'i ipi
mÃ'ẽ: "Pirujẽ jane kõi
omoõoka Janejare'e
o'arà kyty kupa
remẽ, ikatuaytà",
e'i ipi

mÃ'ẽ. Ãmẽ
Jesu mÃnõa
ojikuwapa ijupe
remẽ, nojipirau i oo
kovenatu Piratu resa.
Karumẽ a'evo ekoi.
– Jesu reãgwerà taraa
imokatu, e'i kovenatu
Piratu pè. Opota weraa
imokatu amãtejẽ
jimoava 'arà
renoneve.



Pātōma remeve jimoava 'arà ojiāparō
ipi. Āmē Juse kamisa poko opyy.

Kamisa e'eay opyy, “rijō” eu
mā'ē. Ajaire oo Jesu
reāgwerà rekyi yvyra
jipokana re wyi.


Kamisa poko pupe
ojōvā jōvā kupa.

Ajaire omokatu
pareti kwarà pupe
kupa,

takuru kwarà
pupe. Teāgwerà
rena teāmā a'e. Ajaire
omokatu paire, oovapy.
Takuru ipowyi mā'ē pupe
oovapy. Omotore tore
ikwarà rovake inō.
[A'evo wereko paire,
ojivy oo kupa.]



Kõ'ēme Juteu rōvijāgwerà kō oo
mijē kovenatu Piratu
resa. Jimoava 'arà mē
oo kupa. Janejare'e pè
oporegeta mǎe kō
rōvijā kō teve oo.
Āmō, Pariseu kō mō.



Mokopejõ oo kupa. Kee e'i ijupe
kupa: – Jesu nomãñõive remẽ,
kee e'i owari rõmõ:
“Janejare'e emomoerata
amãñõ remẽ. Moapy
'arà remẽ a'evotà
erereko”, e'i mã'ẽ.



Oo ãmẽ kupa. Sota kõi weraa oupi kupa,
Jesu reãgwerà rena kyty. Turi vo sõi
mã'ẽ pupe wape ape ipe
eãgwerà rena rovapyka
kupa, ava mõ toovapyjavo
e'ã eãgwerà ekyi eraa,
e'i kupa. ãmẽ ajaire
jõvijãgwerà kõi ojivy
oo. Sota kõi ãmẽ
opyta jẽ a'e pè
ãrõ upa.




Jimoava 'arà paire, ji'iveay Maria
Matarena oo mijẽ Jesu reãgwerà
resa. ãmõ Maria eu ijupe mã'ẽ
teve oo upi esa. Ameve yvy
py'awarà mõ otyty tesõ.
Ãmẽ si Janejare'e
remĩgwai mõ
yvapewarà owyjy
uu yva pe wyi.

A'e tè takuru
tyvy rovapyka
ipowyi mã'ẽ omotore
tore ekyi imoisry.



Ajaire wapy ovapyka 'aryvo upa.
A'e rè sota kō omã'ẽ remẽ, okyje
ai tè iwyi kupa. Otytypa tesõ
ojimonyi iko kupa. Omãnõ
mã'ẽ vo 'ejẽ
[o'a yvy pè] kupa.



Āmē Janejare'e remīgwai e'i wāivī kō
pè: – Pejimonyi sō! e'i. Akuwa Jesu
tè peeka. Yvyra jipokana
rè omānō maekwerà tè
peeka. A'e natui ike ky'y.
Opoerapa oē oo ky'y.
Kōitokō e'ipa
maekwerà rupi katu
tè a'evo ekoi.

Pepota peike esa
remē,



peike āmē esa.
Ike eāgwerà tui ijā.

[Natui ky'y ajamā'ē,] e'i.




Aepo e'i remeve wāivī kō kuise'ē ojivy oo. Ojimonyijay kupa. Ajamā'ē ory katu kupa. Ojivy oo Jesu remimo'ekwerà kō kyty a'evoa momewatà kupa. Ajamā'ē pee rupi oo jē iko kupa remeve sikaepo Jesu ojisa ijupe kō.



Kee e'i ijupe kō: – Janejare'e ikō
tapepy'amopiryvypy katu nē! e'i ijupe
kō. Āmē Jesu rē wāivīgwerà kō
omā'ē remē, oo ipyri'ije'ē kupa.
Ojimoenāpa'ā ovake kupa.
Jesu py rē ojipy imoe'e kupa.





Ajaire sa'u Jesu ojisa mijē wemimo'ekwerà kō pè ky'y, 11 rōmō mǎe kō pè. Ojimi'u kupa upa remē ojisa ijupe kō. Kee e'i ijupe kō: – “Aje” napejēi sō, omǎ'ē ere mǎe kō omome'u pejē remē! “Aje” pejē kuwasi mijǎ. Age'e si “aje” pejē ky'y, pemǎ'ē ere rewarà mō tè, e'i ijupe kō. Āmē Janerōvijǎ Jesu oporegeta ijupe kō paire, oē oo yva kyty, Janejare'e rena kyty. Janejare'e 'ekatu kytyre wapy upa, eeve Jōvijǎ wasu rōmō. Awyje rōmō rǎĩ a'e pè ekoi.



– Janejare'e pirujẽ jane kõi wauvay wete.
Ajawyi ije, Wa'yry pe'ĩgwerà wyjaveay
mã'ẽ rõmõ emuroka ike yvy pè. Ava
mõ ojirovija katu ere wereko
katuarà rõmõ remẽ,
naemavo'ãi ity aa.
Areko karuarutà
epyri.



Romã 3:23

Kee rewarà mō a'evo janerereko.
Jajimojaiwepa pirujẽ jaiko ipi. Nivoi 'ete jaiko ipi.
Ajawyi kuipe'e tẽ Janejare'e katuaya wyi jaiko.

Romã 6:23

Aje, jamãnõ 'atà tẽ janeaiwererà repykarà mō mijã. Ajamã'ẽ
Janejare'e janerereko katu takatu, ãwisõ awyje jẽ ipyri
tijaiko karuaru ky'y. Janerõvijã Kiristu Jesu revejẽ
jaiko mãe kō rōmõ tẽ a'evo janerereko ky'y.

Eperou 9:27

Jane ve peŕate tijakãjã ipi. Awyje jẽ jakãjã jaa ipi.
Jakãjã maire, Janejare'e janemoe'yità.



Epesu 2:8,9

Manyvo nijareko kuwa'ãi janevoto jajireko katu rōmō. Janejare'e tē okatuaya rupi janerereko katu, Jesu Kiristu rē jajirovija jaiko remē. Janejare'e remime'ēgwerà tē janerereko katua, āwisō kee taoty e'ā: “Ivo katu aiko rewarà mō tē erereko katu”, taoty e'ā.

Romā 10:9,10

Jesu omānō maire, Janejare'e omomoera mijē imopō'ā mānōa wyi. A'evoa pē “aje ywete” pejē remē, tapemojenu jenu āmō kō pē erokwa. Kee jaa tapejē: “Jesu Janerōvijā ywete rōmō tē ekoi ky'y”, tapejē imojenu erokwa. “Aje” pejē ijupe remē, peporijauesatà āmē Janejare'e ky'y. Kee rewarà mō. Janejare'e rē jajirovija janepy'a pē remē, janeporijauesa janerereko katu ipi. “Ivo katu mā'ē tē ene” e'i jane, “Erōvijā ywete Jesu” ja'e ijupe ipi remē.



Juwão 3:16,17 – Janejare'e pirujẽ jane kã wauvay wete. Ajawyi ije, Wa'yry pe'ĩgwerà wyjaveay mã'ẽ rãmõ emuroka ike yvy pè. Ava mõi ojirovija katu ere wereko katuarà rãmõ remẽ, naemavo'ãi ity aa. Areko karuarutà epyri. Kee e'i Papa eupe emuu: “Ekwa yvy kyty poroereko katuarà rãmõ”, e'i. “Ijaiwererà kã eityypyipaoka iwyi kã. Erojivy kã mijẽ tojimory mijẽ ere kupa ky'y”, e'i ije. Kee ne'i Papa ije: “Ekwa yvy kyty jane kã momorijauoka ijaiwererà kã repykarà mõi”, ne'i ije. Kee e'i tè ije: “Ekwa terereko katu kã”, e'i tè ije
Wa'yry rãmõ emuroka.

1 Juwão 5:11-13 Kee jaa Janejare'e omojikuwaoka janeupe. Ta'yry rè jajirovija remẽ tè kuwa tekoua pyau ome'ẽ janeupe mãerã upi tijaiko. Janejare'e Ra'yry rè jajirovija remẽ tè mãerã tè eeve jaikotà jaiko. Nojirovijai ee mãe kã ãmẽ noiko'ãi ipyri. A'evoa akusiwa pejẽ, Janejare'e Ra'yry rè pejirovija mãe kã rãmõ. Akusiwa pemokasia pè ajupa, tapekuwa Janejare'e pyryvo peiko karuarutà.



Mateusi 26-28; Rukasi 22-24; Juwão 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Wayampi NT (oym) © 2013, Wycliffe Bible Translators, Inc.
All rights reserved.

<https://www.bible.com/bible/1352/MAT.1.OYMNT>

©2026 Bible for Children, Inc.

www.M1914.org

www.bibleforchildren.org